

第一百零二冊

卷一百八十八

漢至元耆舊傳

卷一百八十九

列傳一

新纂雲南通志

盧漢題





新
纂
雲
南
通
志

盧
作
強
編
纂
張
其
華
校
對



新纂雲南通志卷一百八十八目錄

漢至元耆舊傳

漢

張叔

盛覽

許淑

仁果

傅寶

隗相

孟璇

鹵承

張祐那

爨習

李恢

弟子球

呂凱

子祥王伉

孟琰

晉

爨谷

重元孟幹孟通爨熊李松王素

毛炅

孟岳

毛孟

董敏

龐遺

爨琛

爨寶子

南北朝

爨龍顏

爨道慶

爨瓚

唐

張樂進求

細奴邏

王仁求

子善寶

蒙歸義

孫蒙伽異

張建成

異牟尋

楊興

段宗牒

張志誠

閑珊居集

阿呵

董成

楊奇鯤

趙隆眉段義宗

段赤城

羅時

宋

高智昇

高昇泰

子泰明

高泰運

高量成

高泰祥

高生福

李紫琮

王夢璽

李觀音得

張勝溫

元

段福

段實 弟忠子阿慶忠子正子隆
隆子俊俊族弟義義子光

麥宗 子麥良

趙順

王惠 子明昇
慶忠益

段文瑞

杜昌海

刀代

高惠直

段阿堅

寒賽

楊立義

楊惠

高明

董文彥 子茂春時中
茂春子思平

亨祐 朱寶翼
王裕

蘇隆 子仁壽

張友直

趙和

張景雲

楊昇 子寶

陳惠

段功 子寶實
子仁義

楊勝

高蓬

楊智

楊保 弟名

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

謝安

新纂雲南通志卷一百八十八

漢至元耆舊傳

滇自莊蹻開疆漢武置郡典午而後分設寧州郡縣增多已駸駸乎有建設之宏規矣惜乎唐蒙宋段割據者垂五六百年忽通忽塞心焉慨之逮及元代復隸版圖明清以來文化遂與中土相埒回憶前此千數百年書缺有間人才寥寥物稀爲貴彌足珍已念筆路藍縷之艱思椎輪大輅之義特將漢至元耆舊另行纂集以誌景仰云爾

漢

張叔

張叔櫟榆人天資穎出過目成誦俗不知書叔每疾之思變其俗元狩間聞司馬相如至若水造梁距櫟榆二百餘里遂負笈往從之授

經歸教鄉人

參萬曆志謝肇淛滇略倪蛻滇雲歷年傳胡蔚增訂南詔野史師範滇繫嘉慶重修一統志

案滇之張叔非文翁所選之張叔也前明李修雲南通志及滇略
滇考滇雲歷年傳滇繫康熙雍正通志皆載之是必有所據而道
光通志乃采文翁傳及華陽國志之張叔以爲滇之張叔誤矣前
漢書文翁傳云孝景末文翁爲蜀郡守選郡縣小吏開敏有材者
張叔等十餘人詣京師受業博士數歲蜀生皆成就還歸文翁以
爲右職華陽國志云文翁遣雋士張叔等十八人東詣博士受七
經還以教授學徒鱗萃蜀學比於齊魯叔明天文災異始作春秋
章句官至揚州刺史道光通志雜引此二說而去蜀生字竟斷以
爲滇之張叔列入大理鄉賢中光緒通志亦沿之夫蜀選之郡縣
小吏又曰蜀生曰蜀學此張叔明明蜀人矣牽涉而爲滇之張叔

可乎茲仍據李志等書載入並引文翁傳與華陽國志之張叔辨明之

盛覽

盛覽字長通牂牁名士與司馬相如友善相如爲上林子虛賦意思蕭散不復與外事相關控引天地錯綜古今忽然如睡煥然而興幾百日而後成覽嘗問以作賦相如曰合纂組以成文列錦繡而爲質一經一緯一宮一商此賦之迹也賦家之心包括宇宙總覽人物斯乃得之於內不可得而傳覽乃作合組歌列錦賦而退

西京雜記

案西京雜記云盛覽牂牁名士牂牁爲雲南東北部昔之曲靖昭通廣西廣南臨安諸府與貴州西南部昔之貴陽安順都勻石阡大定興義遵義諸府地不能指覽爲今某地人在昔雲貴兩省通

志皆載之茲仍諸舊志收入惟明李修雲南通志載爲楸榆人厥後若滇略滇攷南詔野史歷年傳嘉慶一統志及康熙雍正道光光緒諸通志皆沿誤爲楸榆人不可從茲仍據西京雜記改爲牂牁名士又李修雲南通志云覽著有賦心四卷康熙雍正道光諸志及滇略滇考滇雲歷年傳滇繫胡蔚增訂南詔野史諸書同王思訓徵刻滇詩啓作十卷不知所本附此以俟考

許淑

許淑益州郡人元和中入中國受五經歸教授本鄉

嘉慶重修一統志

案道光通志於雲南府鄉賢之首加案云謹案舊志於雲南府下首列漢許叔之名註云善闡人元和中入中國受五經歸教鄉人元李京明楊慎國朝馮甦皆同此說蓋因華陽國志云明帝之世

尹珍從學於汝南許叔重京等遂誤以汝南爲滇南又因張叔之名誤削許叔重之重字而以爲許叔不知許叔重乃許慎之字非別有許叔也又舊志旣列許叔於漢代而注又曰善闡人善闡乃唐時地名漢時無此稱也今特刪去云云其辨許叔非許叔重之說當矣至云善闡乃唐時地名恐誤考今之昆明爲周時善闡國見范志雲南府下今滇西白子方言猶稱昆明省城爲善闡省城尤可爲昆明即善闡之證至李修通志及康熙志諸書皆作許叔雍正志及重修一統志又作淑未知孰是今兩存之以俟知者

仁果

仁果天竺白飯王之後漢武帝時滇王嘗羌對漢使語不遜武帝惡之時仁果於白崖稱白王爲衆所戴天子册爲滇王仍治白崖躋世

乃絕白人之名始此

參明一統志顧炎武肇域志邵遠平續宏簡錄

傅寶

傅寶字紀圖平夷人有名德歷尙書郎長安令巴郡太守彭城相與

夜郎尹貢號南州人士

華陽國志南中志

案光緒續通志漢以來耆舊錄傅寶尹貢後案云謹按阮志

卽道光志云

舊志以寶爲晉人華陽國志叙寶於尹珍後不詳何代珍爲明章間人寶當亦同時云云道光志所疑尙是故今列傳寶於仁果之後從後漢書西南夷傳尹珍桓帝時人之文也其他曲靖府人物貴州遵義府人物各志皆列尹珍事與寶無涉概不闌入

隗相

隗相字叔通越道縣人也相生越道之若水若水至越道又謂之馬

湖江相養母至孝母食好飲江中正流水相夏冬汲之一朝有橫石生正流中謂之孝子石可謂至誠發中而休應自天矣相哀帝時察孝廉平帝時爲郎

參華陽國志水經注

案嘉慶重修一統志叙州府人物漢載隗相係本華陽國志兼採水經注而雲南通志所載僅本之水經注稱其字叔通未書其名故通志諸書沿用之而李修通志直以爲葉榆人疑莫能明考若水即金沙江自麗江流經今之永北下流爲馬湖本一水而縣互萬里故李修通志據上游之若水言稱相爲葉榆人叙州府志據下游之若水言稱相爲叙州府人蓋名人所出傳記多引以爲重故其說不同如此今仍採水經注並參華陽志以備考證

孟璇

孟璇字孝琚原名廣宗犍爲屬國人嚴道君曾孫武陽令之少息四歲失母十二隨官受韓詩兼通孝經二卷博覽有得欲比德於玉因改名璇武陽令閔其敦仁爲問蜀郡何彥珍女未娶而卒

節孟璇碑參陳榮昌補文

案孟璇碑清光緒二十七年九月於昭通府城東十里之白泥井出土考其文意上闕七字碑有丙申月建臨卯嚴道君曾孫武陽令之少息孟廣宗卒及十月癸卯於瑩西起攢十一月乙卯平下語考者數十家詳金石

鹵承

鹵承邪龍縣人建初之年哀牢王類牢與守令忿爭遂殺守令而反叛攻越嶲唐城太守王尋奔牂榆哀牢三千餘人攻博南燔燒民舍肅宗募發越嶲益州永昌夷漢九千人討之明年春昆明夷鹵承等

應募率種人與諸郡兵擊類牢於博南大破斬之傳首洛陽賜承帛

萬匹封爲破虜傍邑侯

後漢書西南夷傳

案邪龍漢書地理志屬益州郡續漢書郡國志屬永昌郡永昌郡

明帝永平十二年由益州郡分置

張祐那

張祐那仁果十五世孫元狩間仁果王白崖號白國傳至祐那不變其舊諸葛亮定南中收用豪傑以祐那能撫其民賜姓張氏號大白

子國侯仍以其地封之

參肇域志萬曆志滇志補遺

案張祐那滇志補遺肇域志作龍祐那因賜姓張故稱張祐那云

爨習

爨習建寧郡人俞元李恢之姑夫也恢任建寧郡督郵習爲建伶令

有違犯之事恢坐習免官太守董和以習方土大姓寢而不許建興三年諸葛亮平南中收其俊傑以習與朱提孟琰等爲官屬習官至領軍琰官輔漢將軍六年習官偏將軍街亭之敗亮請自貶習亦同情自劾云

參諸葛武侯集三國志蜀志李恢傳

案嘉慶重修一統志載爨習於雲南府云昭烈帝時爲建伶令坐事免官太守董和以習方州大姓寢而不許與此微異又孟琰滇雲歷年傳嘉慶一統志俱作炎未知孰是

李恢

弟子球

二平由益州縣令置

李恢字德昂建寧俞元人也任都督郵姑夫爨習爲建伶令有違犯之事恢坐習免官太守董和以習方土大姓寢而不許

華陽國志曰習後官至領軍

後貢

恢於州涉道未至聞先主自葭萌還攻劉璋恢知璋之必敗先主必

成乃託名郡使北詣先主遇於綿竹先主嘉之從至雒城遣恢至漢中交好馬超超遂從命成都既定先主領益州牧以恢爲功曹書助主簿後爲亡虜所誣引恢謀反有司執送先主明其不然更遷恢爲別駕從事章武元年庾降都督鄧方卒先主問恢誰可代者恢對曰人之才能各有長短故孔子曰其使人也器之且夫明主在上則臣下盡情是以先零之役趙充國曰莫若老臣臣竊不自揆惟陛下察之先主笑曰孤之本意亦已在卿矣遂以恢爲庾降都督使持節領交州刺史住平夷縣先主薨高定恣睢於越嶲雍闓跋扈於建寧朱裒反叛於牂牁丞相亮南征先由越嶲而恢案道向建寧諸縣大相糾合圍恢軍於昆明時恢衆少敵倍又未得亮聲息紿謂南人曰官軍糧盡欲規退還吾中間久斥鄉里乃今得旋不能復北欲還與汝